



OPĆINSKI NAČELNIK OPĆINE LUKAVAC OBJAVLJUJE

JAVNI POZIV

ORGANIZACIJAMA CIVILNOG DRUŠTVA/NEVLADINIM ORGANIZACIJAMA ZA PREDAJU PRIJEDLOGA PROJEKATA

Općina Lukavac poziva sve organizacije civilnog društva (OCD) / nevladine organizacije (NVO) iz Bosne i Hercegovine da dostave prijedloge projekata koji su u skladu sa razvojnim ciljevima općine Lukavac.

I USLOVI ZA UČESTVOVANJE NA JAVNOM POZIVU

Pravo učestvovanja na Javnom pozivu ostvaruju zainteresirane nevladine/neprofitne organizacije koje su osnovane i registrirane u BiH, čiji je predstavnik državljanin BiH. Projekti se moraju realizovati na području općine Lukavac, odnosno moraju biti namijenjeni građanima općine Lukavac. Odnose se na područja: kulture, nauke, mladih, zaštite okoliša, socijalne zaštite, sporta i sporta za osobe sa invaliditetom. Sredstva po projektima dodjeljuju se na osnovu planirane stavke u Budžetu Općine Lukavac i Odluke o izvršenju Budžeta i moraju biti od značaja za općinu Lukavac.

Napomena:

Sve nevladine organizacije imaju jednaka prava pristupa Javnom pozivu u Općini Lukavac, što uključuje jednake mogućnosti i ravnopravan tretman u korišćenju sredstava za ove namjene.

Projekti koji se neće finansirati:

- Projekti udruženja koja nisu izvršila svoje obaveze po ranije odobrenim projektima finansiranim iz Budžeta Općine Lukavac,
- Projekti koji se isključivo odnose na jednokratne manifestacije, osim u slučajevima kada su dio trajnijeg i sveobuhvatnijeg projekta,
- Projekti koji se odnose na povremene konferencije, osim ako su neophodne za uspješnu implementaciju projekta,
- Projekti koji se odnose na finansiranje redovnih aktivnosti podnosioca projektnog prijedloga ili njihovih partnera,
- Projekti koji se baziraju na investicionim ulaganjima, adaptaciji ili izgradnji kapitalnih objekata, ili na kupovinu opreme, osim ako je neophodna za uspješnu implementaciju projekta,
- Projekti kojima je predviđen dio administrativnih troškova (ljudski resursi, putovanja/prevoz, kancelarijski troškovi) veći od 20% od ukupnih troškova projekta,
- Projekti koji predstavljaju individualna sponzorstva/stipendije za školovanje ili za učestvovanje u radionicama, seminarima, konferencijama, kongresima, trening kursovima,
- Projekti koji su usmjereni prema vjerskim ciljevima i aktivnostima,
- Projekti koji su usmjereni prema političkim aktivnostima,

Strana 1 od 6



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

- j) Projekti koji su namijenjeni za isključivu dobrobit pojedinca,
- k) Projekti koji se zasnivaju na dodjeljivanju sredstava trećoj strani.

Projektne prijedlozi s nepotpunom dokumentacijom i dostavljeni izvan predviđenog roka neće biti razmatrani.

II PODRUČJA NA KOJA SE ODNOSI JAVNI POZIV

LOT 1 (KULTURA, NAUKA)

Kultura i nauka:

- unapređenje i zaštita, očuvanje i promocija materijalnog i nematerijalnog kulturno-historijskog i prirodnog naslijeđa zavičajnog prostora,
- manifestacije koje potiču međugradsku kulturnu saradnju,
- izdavaštvo (naučna i druga djela),
- promocija knjiga i izložbe koje doprinose razvoju i obogaćivanju kulturnog života općine Lukavac organizovanjem kulturnih manifestacija u općini Lukavac,
- muzička, likovna, pozorišna i plesna djelatnost,
- multimedijalna djelatnost,
- promocija mladih u kulturi,
- poticanje kulturno-umjetničkog stvaralaštva,
- izrada kulturno-umjetničkih djela koja za temu imaju Lukavac,
- naučno- istraživački radovi, projekti i drugi projekti iz oblasti nauke.

LOT 2 (EKOLOGIJA)

Očuvanje raznolikosti ekosistema na području općine Lukavac kroz:

- omladinski volonterizam i građanske inicijative,
- projekat očuvanja ribljeg fonda,
- ispitivanje kvaliteta vode na jezeru Modrac i prirodnog priraštaja ribe,
- zaštita okoliša - aktivnosti koje promoviraju odgovoran odnos prema prirodi,
- unapređenje kvalitete življenja,
- zaštita i očuvanje zdravlja i životne sredine,
- jačanje ekološke svijesti,
- razvijanje dobre prakse lokalne zajednice,
- promocija zdravog načina života u skladu sa ekološkim principima i sl.

LOT 3 (SOCIJALNA ZAŠTITA)

Socijalna zaštita:

- zaštita porodice,
- projekti humanitarnog karaktera,
- zaštita i promocija ljudskih prava, prava djeteta i prava manjina,
- unapređenje kvalitete života osoba s invaliditetom, penzionera i djece s poteškoćama u razvoju,
- edukacija mladih o porocima savremenog svijeta (droga, alkohol, pušenje i dr.),
- jednakopravnost spolova (kroz komponente Gender akcionog plana BIH) i sl.

LOT 4 (SPORT)

Sport:

- organizacija škole sporta,
- organizacija sportskih manifestacija u okviru značajnih manifestacija,
- održavanja revijalnih sportskih takmičenja,
- organizacija tradicionalnih sportskih manifestacija,
- organizacija edukacije za trenere,
- vrhunski, kvalitetni i rekreacijski sport,
- rekreacija za sve – programi rekreacije za određene uzraste,
- ostale aktivnosti u oblasti sporta,
- projekti za manifestacije koje imaju godišnji kontinuitet,
- projekti u oblasti sportske edukacije, sportske dijagnostike, trenažnih procesa, organizacije sportskih manifestacija i sl.,
- druge aktivnosti klubova u oblasti sporta.

LOT 5 (SPORT ZA OSOBE SA INVALIDITETOM)

Sport za osobe sa invaliditetom:

- organiziranje i provođenje sportskih manifestacija udruženja osoba sa invaliditetom, sportskih manifestacija za mlađi uzrast, mladih i odraslih za koje je iskazan interes općine Lukavac,
- vrhunski, kvalitetni i rekreacijski sport osoba sa invaliditetom,
- sportski programi i sadržaji koji doprinose unapređenju kvalitete života osoba sa invaliditetom u oblasti sporta,
- aktivnosti koje promoviraju amaterizam, volonterizam i timski rad u sportu,
- uspostavljanje omladinskih pogona pri takmičarskim klubovima i sl.

III VISINA SREDSTAVA KOJA SE DODJELJUJU PO PROJEKTU

Na transferu Javni poziv za projekte OCD-a (nevladine organizacije, udruženja penzionera i slično) i Javni poziv u oblasti sporta u 2021. godini za sufinansiranje projekata planirano je 63.200,00 KM (LOT 1, 2, 3 - 38.200,00 KM, LOT 4, 5 - 25.000,00 KM).

Ukupna vrijednost po jednom projektu je od 1.000,00 do 5.000,00 KM.

Općina Lukavac zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

Izabrani projekti se trebaju realizirati do 31. decembra 2021. godine.

IV PRAVO UČEŠĆA

Učešće u ovom javnom pozivu je otvoreno, na jednakim osnovama, za sve formalno registrovane OCD i NVO (udruženje/udruga ili fondacija), a u skladu sa važećim propisima u Bosni i Hercegovini. Aplikant na jedan LOT može aplicirati samo jednim projektom.

Aplikanti projektni prijedlog dostavljaju poštom preporučeno, putem protokola Općine Lukavac isključivo putem prijavnog obrasca.

Prijava treba sadržavati:

- a) Projektni prijedlog,
- b) Pregled budžeta/proračuna,

- c) Matrica logičkog okvira,
- d) Plan aktivnosti i promocije,
- e) Kopija važećeg rješenja o registraciji organizacije u BiH (za nosioca projekta/aplikanta i eventualne partnere na projektu),
- f) Kopija statuta organizacije (aplikant i partneri),
- g) Popunjena forma Administrativni podaci o aplikantu,
- h) Popunjena Finansijska i identifikaciona forma,
- i) Popunjena i potpisana Izjava o podobnosti,
- j) Kopija uvjerenja o registraciji poreznog obveznika, kopija završnog godišnjeg finansijskog izvještaja za prethodnu godinu koji je predat u zakonskom roku (posljednji dokument bilans stanja i bilans uspjeha), ovjeren od strane nadležne agencije za finansijsko poslovanje i licenciranog i ovlaštenog knjigovođe,
- k) Kopija godišnjeg narativnog izvještaja organizacije za prethodnu godinu,
- l) Popunjena Lista provjere.

U slučaju da projekat bude odobren originalni dokumenti mogu biti traženi na uvid. Aplikant može tražiti ukupan iznos vrijednosti projekta ili dio nedostajućih sredstava, što je dužan naznačiti u prijavnom obrascu.

Napomena: Sve zainteresirane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u smjernicama za aplikante u okviru javnog poziva.

V KRITERIJI I NAČIN OCJENJIVANJA PROJEKATA

Prilikom vrednovanja elemenata projekata naznačenih u kategorijama od a) do e), Komisija dodjeljuje bodove od 1 do 5 za svaki od kriterija pojedinačno. Konačna ocjena bodova predstavlja ukupan broj bodova svih članova Komisije u ovoj kategoriji kako slijedi:

Opći kriteriji:

Opći kriteriji podrazumijevaju:

- Dostavljanje projekta u naznačenom roku,
- Potpunu i validnu dokumentaciju,
- Opravdan utrošak sredstava za ranije odobrene projekte,
- Realizaciju aktivnosti na teritoriji Općine Lukavac.

Napomena: Projekti koji ne ispunjavaju jedan ili više općih kriterija ne uzimaju se u razmatranje.

Posebni kriteriji:

a) Finansijski i operativni kapacitet

- iskustvo aplikanta i njegovih partnera u upravljanju projektima,
- stručni kapaciteti aplikanta i njegovih partnera (posebno poznavanje pitanja na koje se projekat odnosi),
- upravljački kapaciteti podnosioca prijedloga i partnera (uključujući osoblje, opremu i sposobnost za upravljanje budžetom projekta).

b) Relevantnost

- relevantnost projekta u odnosu na cilj, jedan ili više prioriteta javnog poziva,
- jasna definisanost i strateški odabir učesnika uključenih u projekat (posrednici, krajnji korisnici, ciljne grupe),

- posjedovanje dodatnih kvaliteta projekta, kao što su inovativni pristup i modeli dobre prakse,
- prijedlog projekta zagovara model politike baziran na pravima i ima uticaja na podređene grupe (promocija ravnopravnosti spolova i osnaživanje žena, zaštita okoliša, međunacionalna saradnja, problematika omladine itd.).

c) Metodologija

- Kompetentnost mjera plana aktivnosti i predloženih aktivnosti odgovarajuće, praktične i dosljedne ciljevima i očekivanim rezultatima,
- Konzistentnost cjelokupnog dizajna projekta (a naročito da li odražava analizu uočenih problema, moguće vanjske faktore),
- Zadovoljavajući nivo uključenosti i angažiranja partnera u realizaciji projekta,
- objektivno mjerljivi indikatori rezultata aktivnosti.

d) Održivost

- Konkretni uticaj aktivnosti predviđenih projektom ciljne grupe,
- Višestruki uticaj projekta (uključujući mogućnost primjene na druge ciljne grupe ili provedbu u drugim sredinama),
- Održivost institucionalno očekivanih rezultata predloženih aktivnosti (da li će strukture koje omogućuju da se aktivnosti nastave postojati na kraju projekta),
- Održivost predloženih očekivanih aktivnosti,
- Vjerovatnost uticaja očekivanih dugoročnih rezultata na lokalne ekonomske uslove i/ili kvalitet života u ciljnim područjima.

e) Budžet i racionalnost troškova

- Odnos između procijenjenih troškova i očekivanih rezultata,
- Predloženi troškovi neophodni za implementaciju projekta,
- Jasnost budžeta, uključuje li i narativni dio (omogućena opravdanost za tehničku opremu), ispoštovanost principa prema kojem administrativni i troškovi osoblja ne prelaze 20% ukupnih troškova, rodna osjetljivost budžeta, primjenjivost, priložene biografije i opisi radnih mjesta.

VI UGOVORI SA APLIKANTIMA

Nakon donošenja Odluke o raspodjeli sredstava, Općinski načelnik sa odabranim korisnicima sredstava zaključuje Ugovor koji sadrži prava, obaveze i odgovornosti, način praćenja provođenja odobrenog projekta, način praćenja namjenskog trošenja sredstava, te elemente narativnog i finansijskog izvještavanja o provođenju projekta.

VII PREUZIMANJE DOKUMENTACIJE

Dokumentacija za prijavu na Javni poziv za općinu Lukavac se može preuzeti **od 06.09. 2021. godine, slanjem zahtjeva sa nazivom zainteresovane organizacije na e-mail: emir.kasumovic@lukavac.ba** ili lično preuzimanjem u: Općina Lukavac, u šalter sali općine Lukavac, Trg Slobode 1, 75300 Lukavac ili kancelariji br. 34.

Sve potrebne informacije i elektronska verzija cijelog paketa prijavnice dokumentacije može se pronaći na web stranici općine Lukavac (<https://opcina.lukavac.ba/>).

Pitanja u vezi sa javnim pozivom se mogu postaviti putem e-mail adrese emir.kasumovic@lukavac.ba sa naznakom „Za objavljeni Javni poziv OCD-a“. Pitanja se mogu postavljati 10 (deset) dana po objavljivanju javnog poziva u dnevnim novinama. Odgovori na upite bit će dostavljeni u pisanoj formi u roku od 3 radna dana od prijema upita.

VIII PREDAJA APLIKACIJA

Ispunjena aplikacija (sa kompletnom zahtijevanom dokumentacijom) se mora dostaviti **u 2 (dva) primjerka u štampanoj formi i jednoj elektronskoj kopiji (CD ili USB)**, u zatvorenoj koverti, preporučenom poštom ili lično tokom radnih dana (ponedjeljak – petak) na pisarnici općine u periodu od 07:00 do 15:30 sati, na sljedeću adresu, sa naznakom za Javni poziv OCD-a:

Općina Lukavac, Trg Slobode 1, 75300 Lukavac.

Rok za predaju aplikacija je **21 (dvadesetjedan) dan od dana objavljivanja u dnevnim novinama „Večernji list BiH“**. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Koverta mora sadržavati naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati, prijava na javni poziv OCD-a, LOT br. _____”**.

O primljenoj pošiljci u Općini će se voditi uredna evidencija i izdavati potvrde o prijemu. Svi aplikanti koji su predali prijedloge projekata, koji su prihvaćeni ili odbijeni, bit će obaviješteni u pisanoj formi o odluci u vezi sa njihovim prijedlogom projekta u roku od 30 dana od dana zatvaranja javnog poziva. Rezultati će biti objavljeni na web stranici općine Lukavac (<https://opcina.lukavac.ba/>), kao i na oglasnoj ploči Općine.

IX REZULTATI ODABIRA PROJEKATA

Rezultati odabira projekata koji su prihvaćeni za finansiranje od strane Komisije bit će javno objavljeni i o njima će biti obaviještene sve nevladine organizacije koje su se javile na Javni poziv.

X PODNOŠENJE IZVJEŠTAJA O UTROŠKU SREDSTAVA

Aplikanti kojima su dodijeljena sredstva dužni su dostaviti narativni i finansijski završni izvještaj u roku od 30 dana od dana završetka projekta.

OPĆINSKI NAČELNIK

Dr. sci. Edin Delić

Broj: 02-02-3485/21
Lukavac, 03.09. 2021. godine